

आकाशवाणी

- प्रधानमंत्री नरेन्द्र मोदी इंडोनेशिया, ऑस्ट्रेलिया ते न्यूजीलैंड दी जातरा पूरी करियै स्वदेश परतोए न। इस दरान श्री मोदी होरें न्यूजीलैंड दे प्रधानमंत्री क्रिस्टोफर लक्सन हुं' दे कन्नै व्यापक गल्लबात कीती।
- उत्तर प्रदेश सरकार अज्ज 35 करोड़ रुक्ख-बूहटे लाग। मुख्यमंत्री योगी आदित्यनाथ होर गोरखपुर थमां राष्ट्रव्यापी पौधारोपण महायज्ञ 2026 गी शुरु करोआडन।
- वियतनाम दे प्रधानमंत्री ले मिन्ह हुन होरें फु क्वोक टापु दे नेड़े स्पीडबोट हादसे दी जांच दे हुक्म दिते न। इस हादसे च 15 भारती सैलानिएं दी मौत होई गई ऐ।
- इस्लामिक रेवोल्यूशनरी गार्ड काप्स आसेआ होर्मुज जलडमरूमध्य च साइप्रस दे झंडे आहले समुंदरी जहाज पर हमले दे बाद अमरीका ने ईरान पर नमें हमले शुरु करी दिते न।
- मौसम विभाग ने अगले 4 दिनें दरान देसै दे उत्तरी ते पूर्वी हिस्सें च भारी बरखा दी भविष्यवाणी कीती ऐ।
- फीफा विश्व कप च इंग्लैंड दे नार्वे गी 2-1 कन्नै हराइयै सेमाईनल च अपनी थाह पक्की करी लैती ऐ।
- लिन्डा नोस्कोवा ने अपनी हमवतन कैरोलीना मुकोवा गी हराइयै विम्बल्डन टेनिस दा अपना पैहला खिताब जिती लैता ऐ।

<><><><><><>

PM-Viksit Concluded

प्रधानमंत्री नरेन्द्र मोदी इंडोनेशिया, ऑस्ट्रेलिया ते न्यूजीलैंड दी जातरा पूरी करियै स्वदेश पुज्जी गे न।

चार दहाकें शा मते समें च कुसै भारती प्रधानमंत्री दी न्यूजीलैंड दी एह पैहली जातरा ही। इस दरान श्री मोदी होरें न्यूजीलैंड दे प्रधानमंत्री क्रिस्टोफर लक्सन हुंदे कन्नै व्यापक गल्लबात कीती। भारत ते न्यूजीलैंड ने दपक्खी सरबंधें गी रणनीति सांझ-भ्याली दे स्तरै धोड़ी बधाया ऐ। इस दरान रक्षा, सैलसफा, खेड्डें, आपदा प्रबंधन ते डेयरी ते पशुपालन सने केई प्रमुख खेतरें च समझौतें पर दस्तख्त कीते गे न। ऑकलैंड च सामुदायिक कार्यक्रमें च भारती मूल दे 10 जहार शा मते लोकें हिस्सा लैता। जातरा दी समाप्ति पर, प्रधानमंत्री लक्सन होरें श्री मोदी होरेंगी व्यक्तिगत रूप कन्नै ब्हाई अड्डे पर विदाई दिती। सोशल मीडिया पोस्ट च, प्रधानमंत्री मोदी होरें इस कामयाबी जातरा दरान मिले दे असाधारण हिरखै लेई प्रधानमंत्री लक्सन, न्यूजीलैंड सरकार ते उत्थुं दे लोकें दा धन्नवाद कीता। मोदी होरें आखेआ जे सरबंधें गी रणनीतिक सांझ-भ्याली दे स्तरै धोड़ी लेइयै जाने दा फैसला, बपार ते निवेश च प्रगति ते रक्षा, शिक्षा, संस्कृति, खेड्डें ते लोकें बशकार आपसी सरबंधें च आई दी नमीं रफ्तार साढ़ी दोस्ती दी बधदी गैहराई गी दर्शादी ऐ। बदेश मंत्रालय दे प्रवक्ता रणधीर जायसवाल होरें आखेआ ऐ जे प्रधानमंत्री मोदी हुंदी त्रै देशें दी जातरा दे महत्वपूर्ण नतीजे निकले न। एहदेनै बपार, तकनीकें, सुरक्षा, शिक्षा, नमिणं काहडें ते लोकें बशकार आपसी संपर्क ज्नेह केई खेतरें च सैहयोग गी बढ़ावा मिलेआ ऐ। दौनै नेताएं भारत-न्यूजीलैंड मुक्त बपार समझौते गी तौले लागू करने दे महत्वै पर बल दिता।

<><><><><><>

UP

उत्तर प्रदेश सरकार इक व्यापक अभियान तैहत अजज 35 करोड़ बूटे लाग। मुख्यमंत्री योगी आदित्यनाथ अज्ज गोरखपुर थमां राज्यव्यापी बूटे लाने आहले महायज्ञ 2026 दी शुरुआत करडन। ओह एक पेड़ मां के नाम अभियान तैहत गोरखपुर लिंक एक्सप्रेस-वे ते आरके बी के कश ताल रिंग रोड दे कंडे बूटे लाडन।

इस मौके पर मुख्यमंत्री होर इक जनसभा गी बी संबोधित करंगन ते राज्य दे लोकें थमां बूटे लाने आहले इस अभियान च हिस्सा लैने दा आग्रह करंगन।

<><><><><><>

Shivraj Singh Plantation

केंद्री राईबाई ते करसान कल्याण मंत्री शिवराज सिंह चौहान अज्ज दिल्ली स्थित पूसा परिसर च पर्यावरण संरक्षण संकल्प कार्यक्रम च हिस्सा लैडन। इस मौके पर ओह मुख्य भरै थमां आए दे करीब 17 जहार वृक्षमित्रे कन्नै गल्लबात करंगन ते जनभागीदारी दे राएं पर्यावरण संरक्षण गी राश्ट्रव्यापी जन आंदोलन च तब्दील करने दा आहवान करंगन।

<><><><><><>

Vietnam Speed boat Incident

वियतनाम दे प्रधानमंत्री ले मिन्ह हुन होरें फु क्वोक टापु दे नेड़े स्पीडबोट हादसे दी जांच दे हुक्म दिते न। इस हादसे च 15 भारती सैलानिएं दी मौत होई गई ऐ। मुंबई च वियतनाम दे महावाणिज्य दूतावास दे मताबक, प्रधानमंत्री होरें अधिकारियें गी हादसे दिएं वजहें दा पता लाने ते भविष्य च नेह हादसें गी रोकने लेई लोड़चदी गैहीं पुट्टने गितै आखेआ ऐ। उ'नें नियमें दी उल्लंघना लेई जिम्मेदार लोकें खलाफ सख्त कनूनी कार्रवाई दे बी निर्देश दिते न। कन्नै गै जखिमएं दे इलाज ते मरने आहलें दे परोआरें गी हर मुमकन मदाद देने लेई आखेआ गेआ ऐ। एह हादसा कल उसलै होआ जिसलै 36 लोकें गी लेइयै जा'रदी इक स्पीडबोट फु क्वोक टापु दे नेड़े चानचक्क उच्ची लैहरें दे लपेटे च आइयै पलटोई गई। किशती च चालक दल दे चार सदस्य बी सोआर हे। मुकामी प्रशासन ने 21 लोकें गी बचाई लैता जिसलै के 15एं भारतीयें दी मौत होई गई। मरने आहलें च द'उं महिलां बी हैन।

बदेश मंत्री डॉ. एस जयशंकर होरें वियतनाम च स्पीड बोट हादसे च 15एं भारतीयें दी मौती पर दुक्ख जताया ऐ। सोशल मीडिया पोस्ट च उ'नें आखेआ जे ओह इस हादसे की बड़े दुक्खी न। उ'नें मरने आहलें दे परोआरें प्रति संवेदनां व्यक्त करदे होई जखिमएं दे तौले नरोए होने दी कामना कीती।

<><><><><><>

US-Iran

इस्लामिक रिवोल्यूशनरी गार्ड काप्स दे होमुर्ज जलडमरू मध्य च साइप्रस दे झंडे आहले जहाज पर हमले मगरा अमरीका नै ईरान पर नमें हमले शुरू करी दिते न। अमरीकी सेना नै आखेआ ऐ जे एह हमले राष्ट्रपति डानल्ड ट्रम्प हुंदे निर्देश पर कीते गए। अमरीका नै दस्सेआ ऐ जे बपारिक जहज पर होए दे हमले च चालक दल दा इक नागरिक सदस्य लापता ऐ। जहाज पर अग्ग लग्गने करी बड़ा मता नुकसान होआ ऐ। इस दरान ईरान नै होमुर्ज जलडमरूमध्य गी अगली सूचना तगर बंद करी दिता ऐ।

<><><><><><>

IMD

मौसम विभाग नै अगले 4 दिनें तगर मुख्य दे उत्तरी ते पूर्वी हिस्सें च मौलेधार बरखा पौने दी शेंका जाहिर कीती ऐ। एहदे च जम्मू-कश्मीर, लद्दाख, हिमाचल प्रदेश, उत्तराखंड, पंजाब, चंडीगढ़, हरियाणा, दिल्ली, पूर्वी उत्तर प्रदेश, छत्तीसगढ़, झारखंड, पच्छिम बंगाल दे गांगेय क्षेत्र, अरुणाचल प्रदेश, नागालैंड, मणिपुर, मिजोरम, त्रिपुरा ते ओडिशा शामिल न। विभाग नै अज्ज असम, मेघालय उपहिमालयी पच्छिम बंगाल, सिक्किम ते बिहार च मौलाधार बरखा दा ओरेंज अलर्ट जारी कीता ऐ।

<><><><><><>

FIFA

फीफा विश्व कप च इंग्लैंड नै फ्लोरिडा दे मियामी स्टेडियम च नार्वे गी 2-1 कन्नै हराइये
सेमीफाइनल च थाहर बनाई लैती ऐ। इंग्लैंड दे ज्यूड वेलिघम नै बाद्लू समें च दो गोल करिए
इंग्लैंड गी जित दोआई। इंग्लैंड त्री बारी विश्व कप दे सेमीफाइनल च पुज्जेआ ऐ।

<><><><><><>

Tennis

विम्बलडन टेनिस प्रतियोगिता च कल रातीं लंदन च 21 बरें दी लिंडा नोस्कोवा नै चेक
गणराज्य दी करोलिना मुकोआ गी 6-2, 5-7 ते 6-3 कन्नै हराइये महिला सिंगल्स दा
खिताब जिती लैता ऐ। मर्दे दे सिंगल्स दे खिताबी मुकाबले च अज्ज दुनिया दे नंबर इक
खडारी यानिक सिनर दा मुकाबला जर्मनी दे अलेक्जेंडर ज्वेरे कन्नै होग।

<><><><><><>

FSSAI-Notice

खाद्य सुरक्षा ते मानक प्राधिकरण नै खाने-पीने आहली चीनें दी सुरक्षा ते मानक अधिनियम-
2006 तैहत नियमें दी खिलाफवर्जी करने दे आरोपें कन्नै सरबन्धित केई उपभोक्ताएं दी शकैतें
मगरा स्विगी इंस्टामार्ट गी 9 नोटिस जारी कीते न। सोशल मीडिया दी इक पोस्ट च
एफ.एस.एस.ए.आई नै आखेआ ऐ जे स्विगी गी पूरा पराता स्वष्टिकरण ते अनुपालन रिपोर्ट
पेश करने लेई आखेआ गेआ ऐ। जेकर इयां नेई कीता जंदा तां लोड़चदी कनूनी कार्रवाई कीती
जाहग। उपभोक्ता शकैतें च स्विगी इंस्टामार्ट पर उत्पादें दी तय अवधि खत्म होने, खराब, सड़े
ते होर केई चाल्ली दे असुरक्षित खाद्य उत्पादें दी आपूर्ति दा दोष लाया ऐ।

एफ.एस.एस.ए.आई दे नोटिस च गलत, अमान्य जां पही लाइसेंस नंबर जेडे उपलब्ध नेड्र हैन
ते पंजीकृत नां दे थाहर पर कुसै बक्खरे नां कन्नै संचालित खाद्य बवयास संस्थाएं पर बी
चिंता जाहिर कीती गई ऐ।

<><><><><><>